

UGOVOR

o nabavci robe za Lot 2 – Adaptivna sklopiva invalidska kolica na mehanički pogon sa čvrstim okvirom i preklopivim naslonom (14 kom.)

Zaključen u Sarajevu dana 20.01.2015. godine, između:

- Ministarstva zdravstva Kantona Sarajeva, ul. Reisa Dž. Čauševića br. 1, kojeg zastupa Ministar dr Eldan Lokmić, (u daljem tekstu: Ugovorni organ),
- Zavoda zdravstvenog osiguranja Kantona Sarajevo, ul. Ložionička br. 2, kojeg zastupa direktor Zavoda zdravstvenog osiguranja Kantona Sarajevo dr Kenan Crnkić, dipl. ecc. (u daljem tekstu: Sufinansijer),
- Udruženja RVI paraplegičara Kantona Sarajevo, ul. Grbavička br. 8, kojeg zastupa Predsjednik Udruženja Mušan Kamenica, (u daljem tekstu: Korisnik)
- „KS Reha“ d.o.o., Sarajevo, ul. Grbavička broj 6-A, (u daljem tekstu: Dobavljač), kojeg zastupa direktor Keč Silvija.

I. Predmet i količina

Član 1.

Ovim Ugovorom se regulišu prava i obaveze između Ugovornog organa, Sufinansijera, Korisnika i Dobavljača, kao izabranog ponuđača u postupku izbora najpovoljnijeg ponuđača za nabavku invalidskih kolica za članove udruženja RVI paraplegičara Kantona Sarajevo, objavljenom u listu "Službeni glasnik BiH", broj 80/14 od 13.10.2014. godine, a u skladu sa Odlukom o izboru najpovoljnijeg ponuđača broj: 10-14-16478-OI-2/14 od 22.12.2014. godine, kao i ponudom Dobavljača broj: 10-14-28566/14 od 11.11.2014. godine, koje čine sastavni dio ovog Ugovora.

Član 2.

Predmet ovog Ugovora je isporuka 14 komada adaptivnih sklopivih invalidskih kolica na mehanički pogon sa čvrstim okvirom i preklopivim naslonom za članove Udruženja RVI paraplegičara Kantona Sarajevo, sa karakteristikama utvrđenim u tački 4.1. Tenderske dokumentacije br. 10-14-16478-TD/14

II. Vrijednost Ugovora

Član 3.

Cijena predmeta ovog Ugovora ukupno iznosi 55.995,10 KM (slovima: pedesetpethiljadadevetstotinadevedesetpet KM i deset pfeninga).

U cijenu je uračunat PDV i svi ostali troškovi Dobavljača, nastali u vezi realizacije ovog Ugovora.

III. Obaveze Dobavljača

Član 4.

Dobavljač je obavezan:

- isporučiti 14 komada adaptivnih sklopivih invalidskih kolica na mehanički pogon sa čvrstim okvirom i preklopivim naslonom za članove Udruženja RVI paraplegičara Kantona Sarajevo, a saglasno dostavljenoj ponudi broj: 10-14-28566/14 od 11.11.2014. godine.
- isporučiti 14 komada adaptivnih sklopivih invalidskih kolica na mehanički pogon sa čvrstim okvirom i preklopivim naslonom za članove Udruženja RVI paraplegičara Kantona Sarajevo, prema spisku korisnika dostavljenom od strane Udruženja RVI paraplegičara Kantona Sarajevo.
- izvršiti isporuku 14 komada adaptivnih sklopivih invalidskih kolica na mehanički pogon sa čvrstim okvirom i preklopivim naslonom za članove Udruženja RVI paraplegičara Kantona Sarajevo, u roku od 21 dana od dana uzimanja mjera.

IV. Obaveze Korisnika

Član 5.

Korisnik je obavezan formirati Komisiju za prijem navedene robe, te sačiniti Zapisnik o izvršenoj isporuci i isti dostaviti Ugovornom organu.

V. Obaveze Ugovornog organa i Sufinansijera

Član 6.

Ukupna finansijska sredstva iz člana 3. ovog Ugovora, za nabavku i isporuku 14 komada adaptivnih sklopivih invalidskih kolica na mehanički pogon sa čvrstim okvirom i preklopivim naslonom za članove Udruženja RVI paraplegičara Kantona Sarajevo, obezbjeđuju Ugovorni organ i Sufinansijer, kako slijedi:

Sredstva u iznosu od 24.054,10 KM obezbjeđena su u Budžetu Kantona Sarajevo za 2015. godinu – razdjel Ministarstva zdravstva Kantona Sarajevo (Ugovorni organ), a sredstva u iznosu od 31.941,00 KM, obezbjeđena su u Budžetu Zavoda zdravstvenog osiguranja Kantona Sarajevo za 2014. godinu (Sufinansijer), i ista će biti isplaćena Dobavljaču.

VI. Garancija za dobro izvršenje Ugovora

Član 7.

Kao obezbjeđenje za izvršenje isporuke, Dobavljač je obavezan dostaviti Ugovornom organu originalnu безусловnu bankarsku garanciju za dobro izvršenje posla - ugovora u iznosu od 10% vrijednosti Ugovora, a koja će poslužiti za pokrivanje svake štete i troškova koje Ugovorni organ može imati ukoliko izabrani dobavljač prekrši ugovor o nabavci, a kako je navedeno u tački 9.3. Tenderske dokumentacije.

Dobavljač je obavezan dostaviti Ugovornom organu garanciju najkasnije u roku od sedam (7) dana od dana potpisivanja ovog Ugovora.

Ukoliko Dobavljač ne dostavi traženu garanciju smatraće se da Ugovor nije ni stupio na snagu, tj. smatraće se nepostojećim.

Garancija mora biti безусловna i naplativa na prvi poziv. Garancija će biti vraćena u skladu sa podzakonskim aktima koji regulišu ovu oblast.

VII. Servis i garantni rok za predmet nabavke

Član 8.

Dobavljač se obavezuje da će od dana izvršene isporuke, obavljati servisiranje, odnosno otkloniti sve greške u funkcionisanju kolica besplatno, ukoliko greška nije mehaničke prirode (mehaničko oštećenje na opremi) i to u toku garantnog roka od 48 mjeseci na ram kolica i 48 mjeseci na ostalu opremu kolica.

Dobavljač se također obavezuje da će u slučaju da se ne mogu otkloniti nedostaci nastali na invalidskim kolicima, u smislu stava 1. ovog člana, iste zamjeniti bez naknade, u roku od najduže 30. dana.

VIII. Ostale odredbe

Član 9.

Ugovorni organ ima pravo na naknadu štete ukoliko ovaj Ugovor bude raskinut zbog povrede od strane Dobavljača, a prema opštim pravilima o naknadi štete nastale povredom Ugovora.

Za sve ono što nije regulisano ovim Ugovorom primjenjuju se važeći propisi i poslovni običaji za predmetnu vrstu roba i Zakon o obligacionim odnosima.

Član 10.

Ugovor stupa na snagu danom potpisivanja svih ugovornih strana, a traje do ispunjenja ugovornih obaveza.

Član 11.

Ugovorene strane su saglasne da eventualna sporna pitanja rješavaju sporazumno, a u slučaju spora nadležan je sud u Sarajevu.

Član 12.

Ovaj Ugovor zaključen je u 8 (osam) istovjetnih primjeraka od kojih svaka ugovorna strana zadržava po dva (2) primjerka.

Ugovorni organ
Ministrstvo zdravstva
Kantona Sarajevo
MINISTAR


dr Eldan Lokmić

Broj: 10-14-16478-U2/14
Datum: 20.01.2015 godine

Ugovorni organ
Zavod zdravstvenog osiguranja
Kantona Sarajevo
DIREKTOR


dr Kenan Crnkić, dipl. ecc.

Broj: 01-2089/15
Datum: 05.02.2015 godine

Dobavljač

„KS Reha“ d.o.o. Sarajevo

DIREKTOR


Keč Silvija

Broj: 01-02-15
Datum: 26.01.15 godine



Korisnik

Udruženje RVI paraplegičara
Kantona Sarajevo
PREDSJEDNIK


Mušan Kamenica

Broj: 11-131/15
Datum: 26.01.2015 godine

